

Minzcuz Yinhyoz Doxyungz Hauxseng Dazfwngz Caemhbyaij

Bonjbauq siusik (gicej Cangh Sinhyiz) 11 nyied 19 hauh daengz 24 hauh, “gak cuz bouxcoz nyezrauh doxgyau giva • Gvangjsih cingq hengzdoengh” baenzroix cawjdaez hozdung (geiz daihroek) caeuq “minzcuz yinhyoz doxyungz hauxseng dazfwngz caemhbyaij” Gvangjsih、Hwzlungzgyangh gak cuz bouxcoz yenzhag yinhyoz yingzeizdoeng youq Gvangjsih guh. Gak cuz lauxsae hagseng daibyauj

daj Hah’ wjbinh Yinhyoz Yozyen caeuq Gvangjsih Yisuz Yozyen daeuj haenx doxcomz giz ndeu, doenggvaq yienjheiq、saeddieg diuyenz daengj lai cungj hingzsik haeujlaeg doxgyau. Doenggvaq caenn dang daejniemh gyalag roxyiuj gij eiqsik Cunghvaz Minzcuz ranz vunz ndeu, caezcaemh sij le biencieng sengdoengh minzcuz doxgiet baenaj、hauxseng dazfwngz caemhbyaij.

► Gyoengq hagseng hag ciengq go Ginghcuz.



▲ Yindungvenz doengzseiz hai buet.

Hozdung 2025 Nienz Daengx Guek Lajmbanj Huzndei Ndangcangq Buet (Buet Mbanj) Camh Fuconh Hai Buet

11 nyied 23 hauh, hozdung 2025 nienz daengx guek lajmbanj huzndei ndangcangq buet (buet mbanj) camh Fuconh youq Fuzconh Nungzcanjbinj Densangh Canjyezyenz hai buet, daengx guek 23 aen swngj (gih、si) gaenh 4000 boux gyaez buet mbanj doxcomz Mbanjyauz, caemhdaih buet gamjsouh gij cwngzgoj lajmbanj saenqhwngh, doenggvaq baedauq gyalag gak minzcuz “sam gyau”, yienh’ ok gij saedguh sengdoengh couqmaenh gij eiqsik Cunghvaz Minzcuz ranz vunz ndeu.

(Fuconh Yungz Meizdij Cungsim)

Ginhxiu: “Siuhfangz + Lijyouz” Cuk-hwnj Fuengzsienq Ancienz Vunzlai

11 nyied 22 hauh, Ginhxiu Yauzcuz Swciyen Siuhfangz Gouqcoengh Dadui youq Banzvangz Gyaiq Dieg Baeyouz baij daiz, yieqg gunghcoz yinzyenz caeuq hekyouz fat cek senhconz siuhfangz ancienz, yieqg gyoengqde gangjgej siuhfangz ancienz cihsiz, daezsang gij eiqsik ancienz fuengzre vunzlai, caezcaemh yawhfuengz fatseng gak loih ancienz saehhux.

(Liengz Lanzdingz/梁兰婷)



▲ Siuhfangzyenz son ginzung baenzlawz fuengzre sinhfanz saehhux.



▲ Boux gunghyinz youq ndaw cangj dak benj. Goh Ginglungz ingj

Canghvuz: Bakdou Ranz Dak Benj Ndaej Ngaenz Roengz Daeh

11 nyied 23 hauh, Canghvuz Yen Vangfuz Cin Vanglinz Muzyez Banj Cangj gwnz diegdangz, gyoengq gunghyinz dak benj nyaengq. Gaenh geij bi daeuj, Canghvuz Yen haenqrengz yinxhaeuj、hwnqguh buek dem buek giyez caeuq gunghcangj gyawj bakdou ginzung, mboujdan hawj ginzung youq bakdou couhnieb demsou, lij coenghrenez gizdieg ginghcei hwngfat ndei saed.

(Goz Ginglungz/郭庆龙 Liengz Yinh/梁欣)